


# Vjernik

Islamski časopis

"Pravi vjernici su samo oni čija se srca strahom ispune kad se Allah spomene, a kad im se riječi Njegove kazuju, vjerovanje im učvršćuju i samo se na Gospodara svoga oslanjaju, oni koji molitvu obavljaju i dio od onoga što im Mi dajemo udjeljuju."

(Al-Anfaal, 2-3)

**NOVO!!! NOVO!!! NOVO!!!**



**Autor: Abdurrahman ibn Ahmed ibn Redžeb el-Hanbeli**

**Sa arapskog preveo: Zehrudin Junuzović**

**Izdavač: El-Kelimeh, Novi Pazar**

***Svaki hidžreški mjesec ima svoje specifičnosti i dane koji se više ne ponavljaju u toku godine. Svaki od tih dana imaju posebne fadilete i ibadete za koje slijedi izuzetna nagrada. To je „ulov“ koji se strpljivo čeka i ne vraća se više sve do naredne godine, a koji razboriti i oštrouman vjernik ne smije propustiti.***

***U knjizi Ljepote spoznaje su otkriveni ti dani, koji se nalaze u svakom mjesecu, sa mnoštvom predanja od Allahovog Poslanika, alejhisselam, njegovih ashaba i tabi'ina.***

***Ljepota spoznaja je djelo poznatog klasika iz generacije najvećih alima koje je islamski ummet imao: Ibn Redžeba el – Hanbelija, kojeg su čitaoci imali prilike upoznati kroz kapitalno djelo Buđenje ambicija.***

***Knjigu „Ljepote spoznaja“ možete nabaviti u džematu „FIRDEUS“***

## Sadržaj

|  |    |
|--|----|
| Čovjek i grijeh.....                   | 4  |
| Kome će se Allah smilovati.....        | 5  |
| Blagost u porodici.....                | 9  |
| Zul – hidždže.....                     | 10 |
| Šejtan i cigara.....                   | 13 |
| Nema trenutka na zemlji bez ezana..... | 14 |
| Prvi čovjek .....                      | 15 |
| Veći genocid je zaboraviti.....        | 16 |
| Povratak Allahu dž.š.....              | 17 |
| Zdravlje.....                          | 18 |

### Edukativni islamski časopis Vjernik

Esselamu alejkum ve rahmetullahi ve berekatuhu

Islamski časopis “Vjernik” je islamsko - edukativnog karaktera na principima Kur’ana i Sunneta, uz osvrt na aktuelna događanja u Ummetu. Pored tema koje govore o ispravnom shvatanju ove uzvišene vjere, dio ovog časopisa je posvećen ženi i porodici u islamu, a ni naši najmlađi nisu zaboravljeni.

Cilj i svrha ovog časopisa jeste da’va ili pozivanje ljudi da obožavaju i potpuno se pokoravaju Allahu, Uzvišen je On, i da slijede sunnet Allahovog poslanika Muhammeda, sallallahu ‘alejhi ve selleme, te da ustraju na tom putu.

Izdavač: **Džemat FIRDEUS**

Urednik:

A. Mujakić

Lektura:

Elmedin Čolović

Dizajn naslovne strane:

Tarik Omerbašić

U ovaj projekat su uključeni članovi džemata Firdeus.

Ukoliko želite naručiti islamski časopis “Vjernik” kontaktirajte nas putem E-mail: [adismujakic@gmx.de](mailto:adismujakic@gmx.de)

Esselamu alejkum!

Redakcija islamskog časopisa “Vjernik”

## >>> Čovjek i grijeh <<<

Čovjek je biće sklono griješenju, obdareno slobodnom voljom i mogućnošću izbora. Drugim zemaljskim stvorenjima nije ostavljena mogućnost griješenja budući da nemaju razuma i slobode izbora.

U Kur'anskom kazivanju o prvom čovjeku, Ademu, a.s., se ističe njegov grijeh jer je jeo plodove zabranjenog drveta. Ali, on u tom grijehu nije ustrajao niti je nekog drugog optuživao da je kriv za taj grijeh nego je priznao krivicu, pokajao se i zamolio Stvoritelja za oprost. Nakon iskrenog pokajanja, Allah dž.š mu je oprostio.

Ovo kazivanje aludira i na griješenje njegovog potomstva. Čovjek je izložen griješenju i može pogriješiti. Izuzetak su Božiji poslanici, koji su pod Njegovom zaštitom, s obzirom da su određeni za ulogu vjerovjesništva i da trebaju biti uzor ljudima.

Mnogo je uzroka zbog kojih čovjek griješi. Pored svoje tjelesne konstitucije (Ku'ran ističe da je čovjek stvoren kao slabašno stvorenje), čovjek ima strasti i prohtjeve koji ga često navode na grijeh. Tu su i mnoge negativne osobine, kao što su pohlepa, zavist, oholost, zloba, samodopadljivost itd., koje ga vode u grijeh i prekoračivanje granica. Nesmije se zanemariti ni prokleti šejtan, koji ljude navodi na griješenje. On je poznat i po imenu Iblis, što znači da je njegova suština, Allah ga prokleo, upravo u tome da prikazuje neistinu istinom i uljepšava zlo, laž, razvrat i ostale nevaljalštine kako bi ih ljudi vidjeli kao nešto dobro i pozitivno. Iblis ima svoje pomagače i među ljudima, koji se udružuju i koriste mnoga sredstva da bi promovirali grijeh i griješenje.

U brojnim Kur'anskim tekstovima se ističe da su sve nedaće i neprijatnosti s kojima se čovjek susreće u životu na ovom svijetu, zapravo, rezultat ljudske djelatnosti koja nije usklađena s Božijim redom i zakonima koje je propisao. Grijesi su glavni razlog svih ljudskih patnji i problema. Zbog toga je veoma važno govoriti i pisati o ovoj problematici, kako bi ih se ljudi čuvali, jer jedino tako mogu ostvariti mir, sreću i sigurnost. U brojnim Kur'anskim tekstovima ističe se da su prijašnji narodi kažnjavani, još na ovom svijetu, upravo zbog griješenja. Ta kazna je često određene narode u potpunosti uništavala. Upozoravajući na ahiretsku kaznu, koja čeka one koji nisu bili poslušni Allahu i Njegovom Poslaniku, Kur'an kaže: „**A onoga ko se bude protiv Allaha i Poslanika Njegova dizao i preko granica Njegovih propisa prelazio – On će u vatru baciti, u kojoj će vječno ostati; njega čeka sramna patnja.** (En-Nisa, 14)

Ukratko, grijesi su poroci i zla koja razaraju i duhovnu i fizičku supstancu čovjeka i zato ih se treba čuvati i suzbijati ih, jer su njihove posljedice teške i pogubne, kako za pojedinca tako i za zajednicu.

Suprotno kršćanskoj ideji da je čovjek rođen grješan, ili učenju hinduizma da je on izvorno nizak i nečist pa mora mučno posrtati kroz niz seoba prema konačnom cilju savršenstva, Kur'an tvri da je čovjek rođen čistim i potencijalno savršenim. U vezi s tim kaže: „**Mi čovjeka stvaramo u skladu najljepšem, zatim ćemo ga u najnakazniji lik vratiti, samo ne one koji budu vjerovali i dobra djela činili, njih čeka nagrada neprekidna.** (At-Tin, 4-6)

U ovim ajetima izražena je doktrina da je čovjek izvorno dobar i čist, kao i to da nevjerovanje u Allaha, dž.š., i odsustvo dobrih djela može razoriti njegovu izvornu

čistotu. S druge strane, čovjek može zadržati ili ponovo zadobiti to izvorno stanje, ako svjesno shvati Božiju jednoću i podčini se Njegovim zakonima.

Kur'an Časni je kategoričan u tome da ne postoji nikakav *prvi*, odnosno *nasljedni grijeh*, jer je takav koncept u suprotnosti ideji o Božijoj pravednosti. U Kur'anu Časnom se naglašava: "**Niko neće nositi tuđi teret**". (El-Isra, 15) S Obzirom da nema nikakvog nasljednog grijeha, tako nema ni univerzalnog iskupljenja čovječanstva. Iskupljenje i osuda su individualni. Kur'an ističe: „... **čovjekovo je samo ono šta sam uradi.**“ (En-Nedžm, 39)

*Preuzeto iz knjige: Šta moramo znati o grijesima prof.dr Safvet Halilović*

## *Kome će se Allah dž.š. smilovati*



Abdullah b Amr b El-´As radijallahu anhumu, prenosi da je Allahov Poslanik sallallahu alejhi ve sellem rekao: „Nije od nas onaj koji nije milostiv prema našim najmlađim niti onaj koje ne poznaje ugled naših starijih.“ ( Ahmed i Tirmizi) Također, Abdullah b. Amr, radijallahu anhumu, prenosi da je Vjerovjesnik sallallahu alejhi ve sellem, rekao: “Milostivima će se smilovati Milostivi! Budite milostivi prema onima koji su na Zemlji pa će vam se smilovati

Onaj koji je na nebesima.“ (Ebu Davud i Tirmizi)

Uzvišeni Allah u 54. ajetu sure El-En`am, u prijevodu značenja kaže: “ **A kada ti dođu oni koji vjeruju u Naše ajete, ti im nazovi selam.**“ Šejh Abdurrahman es-Sa`di, rahmetullahi alejhi, u komentaru ovog ajeta kaže: „Tj. Kada ti dođu vjernici, pozdravi ih, poselami ih i iskaži im dobrodošlicu, obraduj ih onim što će im povećati ambicije i odlučnosti da zadobiju Allahovu prostranu milost, plemenitost i dobročinstvo, podstakni ih na svaki razlog i put koji vodi do toga, ali ih i zaplaši da ne ostaju na grijesima, naredi im pokajanje za grijeha kako bi zadobili oprost svoga Gospodara i Njegovo dobro.“ (Tejsirul-Kerimi-r-Rahman, 276)

**Nikoga u Džennet neće uvesti njegova djela, već samo Allahova milost.** Ebu Seid el-Hudri, radijallahu anhu, prenosi da je Allahov Poslanik, sallallahu alejhi ve sellem, rekao: „Niko neće ući u Džennet osim s Allahovom milošću!“ Prisutni su upitali: „Zar ni ti, Allahov Poslaniče?!“ a on je odgovorio: „Ni ja, osim da me Allah prekrije Svojom milosti“ (Ahmed), a šejh Albani, rahmetullahi alejhi, ocijenio je hadis sahihom.

**Kod Allaha postoji stotinu milosti,** od kojih je samo jednu spustio među Svoja stvorenja, dok je devedeset i devet ostavio za Sudnji dan, opet Svojim robovima. Ebu Hurejre, radijallahu anhu, prenosi da je Allahov Poslanik sallallahu alejhi vesellem, rekao: „Uistinu, kod Allaha postoji stotinu milosti. Od njih je samo jednu spustio među džinne, ljude, životinje i zvijeri, pa su oni na osnovu nje milostivi i blagi jedni prema drugima. Dok je, Allah devedeset i devet milosti odgodio . Te milosti ukazat će Svojim robovima na Sudnjem danu!“ (Muslim)

**Uzvišeni Allah milostiviji je prema nama od naših majki.** Moramo znati i biti svjesni da je Uzvišeni Allah milostiviji prema Svojim robovima od majke prema svome djetetu Omer b. El-Hattab, radijallahu anhu, pripovjeda: „Jednoga dana dovedeno je roblje Vjerovjesniku, sallallahu alejhi ve sellem, među kojima je jedna žena uporno tragala za nekim. Kada je pronašla jedno dijete, privla ga je u naručje i podojila. Vjerovjesnik sallallahu alejhi ve sellem, upitao nas je: „Sta mislite dali bi ova žena bacila svoje dijete u vatru? Nikako, odgovorili su prisutni, pa je Allahov Poslanik sallallahu alejhi ve sellem, dodao: Doista je Allah milostiviji prema Svojim robovima od ove (žene) prema svome djetetu.“ ( Buharija i Muslim)

### **Ne gubimo nadu u Allahovu milost!**

Allahova milost obuhvata i natkriljuje sva stvorenja, pa čak i velike griješnike, ukoliko se pokaju za svoje grijehe. Svevišnji Allah rekao je: „**Reci: `O robovi Moji, koji ste se prema sebi ogriješili, ne gubite nadu u Allahovu milost! Uistinu, Allah oprašta sve grijehe, jer je On doista, Onaj koji mnogo prašta i koji je milostiv.**“ (Prijevod značenja Ez-Zumer, 53) Sejh Abdurrahman es- Sa'di, rahmetullahi alejhi, u komentaru ovog ajeta rekao je:

„Uzvišeni Allah obavještava Svoje robove, griješnike, o Svojim velikoj plemenitosti, podstiče ih na povratak Njemu prije nego što prestanu biti u mogućnosti za tim, pa kaže: **`O robovi Moji, koji ste se prema sebi ogriješili`**, slijedeći grijehe na koje vas vaša duša podstiče, čineći ono što srdi Allaha, Onoga koji poznaje gajb – nevidljivi svijet. **`...ne gubite nadu u Allahovu milost`**, ne gubite nadu u Allahovu milost pa da se svojim rukama bacate u propast i govorite: **`Naši su se grijesi umnožili i naše mahane, manjkavosti jedna nad drugom nadvile, tako da nema puta na kojem će ti grijesi i mahane biti pobrisani`**. Ne postupajte ovako pa da zbog toga ostanete i ustrajete u grijesima koji srde Samilostivog. Naprotiv upoznajte svoga Gospodara putem Njegovih imena koja ukazuju na Njegovu plemenitost i dobrotu. Znajte da On uistinu, oprašta sve grijehe, oprašta širk – mnogoboštvo, ubistvo, kamatu, nasilje i druge velike i male grijehe, ukoliko se za njih iskreno pokajete“. (Tejsirul-Kerimi-r- Rahman, 858.) Ibn Abbas, radijallahu anhu, prenosi da je Allahov Poslanik sallallahu alejhi ve sellem, pripovijedao: „Rekao mi je Džibril: „Da si me samo mogao vidjeti kako uzimam morski mulj i trpam ga u faraonova usta iz straha da ga ne sustigne milost.“ (Tirmizi i Ahmed, a šejh Albani rahmetullahi alejhi ocijenio ga je sahihom u Silsileti-ehadisi sahiha 2015)

### **Kako zadobiti Allahovu milost**

Ko su oni kojima će se uzvišeni Allah smilovati, odnosno koja su to djela oni činili na dunjaluku pa će im Uzvišeni Allah ukazati Svoju milost na ahiretu i uvesti ih u Dzennet?

- Jedan od najvećih razloga zadobivanja Allahove milosti jeste pokornost Allahu i Njegovom Poslaniku izvršavanjem naredbi i ostavljanjem zabrana. Uzvišeni Allah rekao je:

**I pokoravajte se Allahu i Poslaniku, pa će vam se milost zasigurno ukazati!**“ (Prijevod značenja Ali Imran, 132)

- Potpunim slijeđenjem Kur`ana zadobiva se Allahova milost. Uzvišeni Allah rekao je: „**I ova knjiga koju ti objavljujemo, blagoslovljena je, pa je slijedite i bojte se, pa će vam se milost zasigurno ukazati.**“ ( Prijevod značenja El- En`am 155)

- Slušanje Kur`ana, sluhom i srcem, poniznim i skrušenim, jedan je od načina zadobivanja Allahove milosti. Svevišnji Allah rekao je: „**A kada se Kur`an uči, vi ga slušajte i šutite, pa će vam se milost zasigurno ukazati.**“ (Prijevod značenja El-E`araf, 204) Šejh Abdurahman es-Sa`di, rahmetullahi alejhi, u komentaru ovog ajeta kaže: „Ova naredba je općenita i odnosi se na svakoga onoga koji sluša učenje Allahove knjige. Takvom se naređuje el-istima, tj. da sluša Kur'an, i el-insat, tj. da ne priča, pa postoji razlika između ove dvije naredbe. El-insat se odnosi na ostavljanje priče, razgovora i svega što okupira čovjeka od slušanja Kur'ana, da se el-istima odnosi na slušanje, tj. okretanje sluha, prisutnost srca i razmišljanje o onome što se sluša. Ko se bude pridržavao ove dvije naredbe dok se uči Allahova knjiga, taj će zadobiti uvijek svježiji, jači, obnovljeni i dugotrajni iman i veću uputu, kao i pronicljivost u vjeri. Zbog toga je Uzvišeni Allah i vezao postizanje Njegove milosti za izvršavanje ove dvije naredbe.“ ( Tejsirul-Kerimi-r-Rahman, 345.)

- Strpljenje na nedaćama i tegobama koje pogađaju čovjeka jedan je od načina zadobivanja Allahove milosti. Uzvišeni Allah je rekao: „**Onima koji, kada ih kakva nedaća pogodi, kažu: 'Mi smo Allahovi i Allahu se**

**vraćamo', njima pripada lijep spomen od njihova Gospodara i milost i to su oni koji su na pravom putu, koji su upućeni.**“ (Prijevod značenja El-Bekare, 157.)

- Traženje da se čine dobra djela i ostave loša djela jedan je od načina kako zadobiti Allahovu milost. Svevišnji Allah rekao je: „**A vjernici i vjernice su prijatelji jedni drugima, traže da se čine dobra djela a loša zabranjuju, uspostavljaju namaz, daju zekat, pokoravaju se Allahu i Njegovom Poslaniku! To su oni kojima će se Allah smilovati a Allah je uistinu Silni i Mudri.**“ (Prijevod značenja Et-Tevbe, 71)

- Istigfar – traženje oprosta jedan je od načina kako zadobiti Allahovu milost. Svevišnji Allah rekao je: „**A ako budete tražili oprosta, Allah će vam se sigurno smilovati.**“ (Prijevod značenja En-Neml, 46.)

- Izmirenje zavađene braće muslimana, također je jedan od načina kako zadobiti Allahovu milost, jer Uzvišeni kaže: „**Uistinu, samo su vjernici braća, pa izmirite svoja dva brata i bojte se Allaha (pri tome) pa će vam se On sigurno smilovati.**“ (Prijevod značenja El- Hudžurat, 10.)

- Budemo li vodili računa o svome jeziku, govorili samo dobro, a klonili se loših riječi, ako Bog da, možemo se nadati Allahovoj milosti, jer je Allahov Poslanik sallallahu alejhi vesellem, rekao: „Allah se smilovao robu koji govori lijepe riječi pa se okoristi njima ili se ustegne od loših pa se spasi neminovnih posljedica.“ ( Bejheki u Šu'abul- imaniu od Enesa, radijallahu anhu, i šejh Albani ocijenio je hadis hasenom u Sahihu tergib ve terhib)



- Dragi oče i majko, volite svoju djecu, lijepo se ophodite s njima, ljubite ih,

uistinu, to je dokaz da u vama postoji milost, a Allah će se smilovati milostivima. Aiša rajallahu anha, prenosi da je jedan od beduina (seljanina) došao Allahovom Poslaniku, sallallahu alejhi ve sellem i upitao ga: „Allahov Poslaniče, zar vi ljubite djecu?! Tako nam Allaha, mi ih nikada ne ljubimo!“ Vjerovjesnik sallallahu alejhi ve sellem rekao je: „ Ja ne mogu biti siguran da ti Allah nije iščupao milost iz

tvojih grudi.“ (Buharija u Edebul-mufredu vjerodostojnim lancem prenosilaca) Abdullah b. Amr b. El-'As, radijallahu anhuma, prenosi da je Allahov Poslanik, sallallahu alejhi ve sellem, rekao: „Nije od nas onaj koji nije milostiv prema našim najmlađim niti onaj koji ne poznaje ugled naših starijih.“(Ahmed i Tirmizi) i šejh Albani, rahmetullahi alejhi, hadis je ocijenio hasen-sahihom. Također Abdullah b. Amr, radijallahu anhuma, prenosi da je Vjerovjesnik, sallallahu alejhi ve sellem, rekao: „Milostivima će se smilovati Milostivi! Budite milostivi prema onima koji su na Zemlji pa će vam se smilovati Onaj koji je na nebesima.“ ( Ebu Davud i Tirmizi s vjerodostojnim lancem prenosilaca)

- O muslimani, ljubomorni nosioci vjere islama, držite se džemata muslimana, nemojte se izdvajati iz njega i nemojte ga cijepati jer je Allahova milost uz džemat muslimana dok je azab – kazna u napuštanju tog džemata. En.Nu'man b. Bešir, radijallahu anhu, prenosi da je Allahov Poslanik sallallahu alejhi ve sellem rekao: „ Sa džematom je milost, dok je u cijepanju kazna“, a šejh Albani, rahmetullahi alejhi, hadis je ocijenio hasenom

Uzvišenog Allaha molimo da nas učini od onih koji slušaju, a zatim slijede najbolje! Molimo Ga da nam se svima smiluje i uvede nas Svojom milošću u Džennet! Neka je svaka hvala Allahu subhanehu ve te'ala, na početku i na kraju i neka je salavat ne Njegova vjerovjesnika!

*Izvor: El-Asr*



## Blagost u porodici

Islam je predivna vjera, prepuna mudrosti i harmonije. Ako se ista praktikuje ispravno, onda tipični musliman postaje odličan društveni uzor za slijeđenje. Poslanik sallallahu alejhi ve sellem je rekao: „Najbolji vjernik je onaj najljepše naravi“. (Tirmizi)

### Širenje blagosti u porodici

Aiša radiallahu anha je prenijela da je Allahov poslanik sallallahu alejhi ve sellem rekao: „Kada Allah želi dobro stanovnicima neke kuće, On među njih ubaci blagost“ (Ahmed ). Drugim riječima oni počnu biti blagi i milostivi jedni prema drugima.

Ona je definitivno jedno od najefikasnijih sredstava postizanja kućne harmonije, jer blagost je veoma korisna među supružnicima i djecom, te donosi rezultate koji se ne mogu postići grubošću i strogoćom. Poslanik sallallahu alejhi ve sellem je rekao: „Allah je blag i voli blagost, za nju On nagrađuje onako kako ne nagrađuje za bilo šta drugo“. (Muslim)

### Pomaganje ženi u kućnim poslovima

Mnogo muškaraca misli da su kućni poslovi ponižavajući i da će to umanjiti njihov status i poziciju ako pomognu ženama u ovim poslovima. Allahov Poslanik sallallahu alejhi ve sellem je međutim „Sam šio svoju odjeću, krpio obuću i radio sve ostalo što ljudi rade u svojim kućama“. (Ahmed)

Ovako je Aiša radiallahu anha odgovorila kada su je pitali šta je poslanik sallallahu alejhi ve sellem radio u kući, dok druga predaja navodi da je rekla: „Ponašao se kao i svi drugi muškarci, čistio je svoju odjeću, muzao ovce i služio sam sebe prilikom jela“. (Ahmed)

Kada bi se današnji muslimani ovako ponašali, postigli bi tri veoma korisne stvari:

- Slijedili bismo sunet poslanika sallallahu alejhi ve sellem
- Olakšali bismo našim suprugama
- Osjećali bismo se skromnije i poniznije

Ove predaje bi trebale biti podsjetnik svim onim gordim muškarcima koji poput djece, od žena zahtijevaju hranu istog momenta kad uđu u kuću, iako je lonac još na štednjaku, ili onima koji ne žele nahraniti gladno dijete koje plače dok majka radi nešto drugo u kući.

### Biti nježan i šaliti se sa članovima porodice

Pokazivanje naklonosti prema supruzi i djeci je jedna od stvari koje vode ka kreiranju atmosfere sreće i prijateljstva u kući. Tako je poslanik sallallahu alejhi ve sellem savjetovao Džabira radiallahu anhu da oženi djevicu riječima: „Zašto nisi oženio djevicu koja bi te nasmijavala i koju bi ti nasmijavao?“

Poslanik sallallahu alejhi ve sellem je također rekao: „Sve ono pri čemu nije spomenuto Allahovo ime je dokolica i gubljenje vremena.

Pripovijeda se da je Allahov Poslanik sallallahu alejhi ve sellem poljubio Hasana, sina Alije r.a., a kod njega je bio Akra' ibn Habis, pa je Akra' rekao: „Ja imam desetero djece, a još nikada nisam nijedno od njih poljubio!“ Allahov Poslanik sallallahu alejhi ve sellem ga pogleda, pa reče: „Ko nije milostiv, neće ni njemu biti ukazana milost.“ (Buhari)

Minber.ba

# ZUL – HIDŽDŽE

## *O vrijednostima prve desetine zul – hidždžeta*

Buhari je u svome Sahihu zabilježio hadis koji se prenosi od Ibn Abbasa, radijallahu anhu, da je Vjerovjesnik, sallallahu alejhi veselem, rekao: „Nema dana u kojima je Allahu dobro djelo draže, nego što je to u ovih deset dana (tj. deset dana zul – hidždžeta).“ Ashabi upitaše: „O Allahov poslaniče, zar ni borba na Allahovom putu?“ „Ni borba na Allahovom putu,“ – odgovori on – „osim djelo onoga ko u borbu pođe ulažući svoj imetak i život, pa se ni sa čim od toga ne vrati.“

## *Vrijednost dobrih djela u ovih deset dana*

Ovaj hadis upućuje na to da je djelo u ovim danima draže Allahu od djela obavljenog u nekim drugim danima, bez izuzetka.

Ukoliko je neko djelo Allahu draže od drugog, onda je ono kod Njega i bolje.

Navedeni hadis je zabilježen i u sledećoj formi, gdje Allahov Vjerovjesnik, sallallahu alejhi vesellem, kaže: „Nema dana da je u njima dobro djelo bolje nego što je u ovih deset.“ Zabilježena je izjava gdje se prenosi dvoumi između izraza bolje i draže.

A ako je djelo u ovim danima bolje i draže Allahu od takvog učinjenog u drugim danima, i proizilazi to da je djelo koje se obavi u ovim danima, iako je u osnovi manje vrijedno, biva vrednije od djela koje se čine u drugim danima u godini. Zato su Vjerovjesnika sallallahu alejhi ve sellem, pitali: „Zar ni borba na Allahovom putu?“ A Vjerovjesnik, sallallahu alejhi ve sellem, im je odgovorio: „Čak ni borba na Allahovom putu!“

Ali je onda iz ovog općeg stava izuzeo jednu vrstu džihada, a to je ujedno i najvredniji džihad, kako ga je deklarirao sam Vjerovjesnik, sallallahu alejhi ve sellem, kada je upitan o najvrednijem džihadu. Rekao je: „Džihad onoga čiji konj bude zaklan, a njegova krv prosuta, ima najbolji stepen kod Allaha.“ (Ebu Davud)

Vjerovjesnik, sallallahu alejhi ve sellem, je jedne prilike čuo nekog čovjeka kako uči dovu: „Gospodaru, podari mi najbolje od onoga čime daruješ Svoje dobre robove!“ Pa mu Vjerovjesnik, sallallahu alejhi ve sellem, reče: „Onda da tvoj konj bude zaklan, a ti da pogineš kao šehid.“ (Ebu Davud)

A što se ostalih vrsta džihada tiče, djelo u zul – hidžetu je draže i bolje kod Allaha od njih, kao što je bolje od ostalih dobrih djela.

Ovo upućuje na to da je djelo koje je u osnovi manje vrijedno, kada se obavi u berićetnom vremenu, sustiže po vrijednosti vrednija djela. Štaviše, možda i prevaziđe vrijednosti tog boljeg djela koje se obavlja u drugom vremenu.

O uvećanju sevapa za djela koja su obavljena u zul – hidžetu postoji niz različitih predanja.

Tirmizi i Ibn Madže bilježe hadis od Ebu Hurejre, radijallahu anhu, da je Allahov Vjerovjesnik, sallallahu alejhi ve sellem, rekao: „Nema dana u kojima je Allahu draže da mu se čini ibadet nego što su deset dana zul – hidžeta. Dobrovoljni post u svakom od njih je ravan dobrovoljnom postu jedne godine, a dobrovoljni namaz u svakoj njegovoj noći je ravan dobrovoljnom namazu u Lejletul-kadru.“ (Turmizi, Ibn Madže) Šejh Albani je ovaj hadis ocijenio slabim.

Tirmizi je prenio od Buharija da se ovaj hadis prenosi još od Katadea, koji prenosi od Se'ida, kao mursel-predanje.

O obilatom povećanju nagrade za djela u ovih deset dana postoje i druga mnogobrojna predanja, međutim to su meudu' –predanja (apokrifna) pa smo ih izbjegli. Izbjegli smo i druga slična predanja koja govore o vrijednosti deset dana zul-hidžeta, a koja su zaista brojna. Vidjeli smo da hadis koji prenosi Ibn Abbas, radujallahu anhu, svjedoči da se nagrada obilato uvećava za svako djelo obavljeno u ovom periodu, bez izuzetka.

### *O aktivnostima u ovih deset dana i noći*

Neka predanja govore eksplicitno o postu ovih dana i oživljavanju njihovih noći u ibadetu i zikru, predaje koje je lijepo spomenuti i druge koje ne treba zbog njihove netačnosti.

### *Post*

Već smo spomenuli predanja od Ebu Hurejrea, mursel-predanja od Rašida ibn Sa'da i ono što se prenosi od Hasana el-Basrija, Ibn Sirina i Katade kada je post ovih dana u pitanju.

U Musnedu i Sunenima je zabilježeno predanje od Hafse, radijallahu anhu, u vezi sa tim da Vjerovjesnik nikada nije propuštao post Dan Ašure, deset dana zul-hidžeta i tri dana od svakog mjeseca. Po pitanju ispravnosti ovog isnada i ovog hadisa među učenjacima postoji razilaženje.

Također je zabilježeno predanje kako je jedna Vjerovjesnikova žena prenijela da Verovjesnik , sallallahu alejhi ve sellem, nikada nije propuštao post devet dana zul-hidžeta.

Od onih koji su prekticirali post ovih deset dana je i Abdullah ibn Omer, radijallahu anhu. Prethodno smo naveli stav Katadea, Hasana i Ibn Sirina o fadiletima posta ovih dana. Ovo je stav većine učenjaka ili mnogih od njih.

U Muslimovom Sahihu se prenosi od Aiše, radijallahu anha, da je rekla: “Nikada nisam vidjela da je Vjerovjesnik, sallallahu alejhi ve sellem, postio deset dana zul-hidžeta.“ (Muslim)

Imam Ahmed, Allah mu se smilovao, dao je različite odgovore na ovaj hadis; jednom je rekao da se prenose predanja suprotna ovom, zatim je spomenuo hadis koji se prenosi od Hafse, radijallahu anha. Zatim je naveo razilaženje učenjaka kada je u pitanju lanac prenosilaca hadisa koji se prenosi od hazreti Aiše, radijallahu anha, te da ga A'maš smatra kompletnim (merfu'), a da ga Mensur od Ibrahima prenosi u mursel-formi.

Na ovaj hadis dali su i neki drugi učenjaci mišljene tvrdeći da u slučaju kada su predanja Aiše, radijallahu anha, i Hafse, radijallahu anha, kontradiktorna, po pitanju tvrdnje i negacije, da se prihvata stav koji nešto tvrdi (u ovom slučaju hazreti Hafsa, radijallahu anha), jer posjeduje podatke koje ne posjeduje onaj koji to negira.

Na drugom mjestu imam Ahmed je rekao da je cilj Aiše, radijallahu anha, ovom negacijom da kaže da Vjerovjesnik, sallallahu alejhi ve sellem, nije postio svih deset dana zul-hidžeta, sa jedne strane, a da je Hafsa, radijallahu anha, htjela reći da je Vjerovjesnik, sallallahu alejhi ve sellem, uglavnom ili veći dio ovih deset dana zul-hidžeta postio. Pa da u smislu ove dvije izjave, neke dane u deset dana zul-hidžeta treba postiti, a u drugima se mrsiti.

Ovako tumačenje Aišine izjave je prihvatljivo kod hadisa koji glasi: "Nikada nisam vidjela Vjerovjesnika, sallallahu alejhi ve sellem, da posti deset dana zul-hidžeta." Međutim, ono je neodrživo kod predanja koje glasi: "Nisam vidjela Vjerovjesnika, sallallahu alejhi ve sellem, da je postio deset dana zul-hidžeta."

Ibn Sirin je smatrao pokuđenim da se neko izrazi sa: "Postio sam deset dana zul-hidžeta."

Jer se tako ovakva izjava može razumjeti na način da je postio i dan Bajrama. Nego je ispravno reći: "Postio sam devet dana."

Međutim, kada se post odnosi na deset dana zul-hidžeta, onda se zna da se time želi istaknuti post dozvoljenih dana. A spomenuli smo hadis kojim se kaže da je Vjerovjesnik, sallallahu alejhi ve sellem, postio deset dana zul-hidžeta.

### *Noćni namaz*

Za noćni namaz u ovim danima smatramo mustehab(pohvalan čin), a ranije smo citirali hadis koji upućuje na ovo.

Što se tiče posebnog noćnog namaza kada su noći uoči Bajrama u pitanju, o tome imaju određena predanja, međutim nisu vjerodostojna. Kao što postoje predanja koja govore o tome da se dove u noći uoči Bajrama primaju, što imam Safija i drugi učenjaci smatraju pohvalnim.

Se'id ibn Džubejr, prenosioc hadisa od Ibn Abbasa, radijallahu anhu, bi se u prvih deset dana zul-hidžeta trudio u ibadetima do iznemoglosti.

Od njega se prenosi da je rekao: "Ne gasite svoje lampe u noćima zul-hidžeta." Sviđao mu se ibadet u tim noćima.

### *Zikr*

Na pohvalnost češćeg spominjanja Allaha, dželle šanuhu, u ovom periodu upućuje ajet:

**I da bi Allahovo ime u određenim danima spominjali...(Hadž, 28)**

Termin određeni dani se odnose na deset dana zul-hidžeta, što je stav većine učenjaka.

*Izvor: Ljepote spoznaja - Ibn Ređžeb el-Hanbeli*

## Šejtan I.a., i cigara

Doveli su jednog mladića na rukju, imao je dvadesetpet godina; iz poznate alimske porodice- i sam je bio nadprosječno učen! Imao je strašne noćne more! Nakon haman čejrek sahata učenja i “šaketanja“, javi se džinnkinja na njegova usta! Zaljubljena je u njega i neće izaći! Ne da mu da sebi nađe curu pa da se ženi – on je njen! Kidala ga je, Brat koji je učio rukju. “pritis’o je učiti ajete o kazni za zinaluk. Popustila je i javila se drugi put: izaći će ali ima USLOV...

U ovakvim slučajevima, ako se uvjeti ne kose sa Šerijatom i ako su ispunjivi, može se izaći u susret. Uslov je bio: Ona pristaje da izađe iz njegovog tijela, ako on počne PUŠITI! Subhanallah! Uvjeren sam da se preko smrada i otrova od cigara džinnima ( šejtanima ) otvara “put“ u tijelo insana i da je grijeh konzumiranja duhana ustvari konstantna veza (put) između šejtana i čovjekove nutrine u kojoj je duša čovjeka, njegovo srce i mozak. Ovo tvrdim pozivajući se na dugogodišnje lično iskustvo učenja rukji pušačima i nepušačima. Brat nije pristao na ovakav uslov i nastavio je učiti rukju dok nije nestalo reakcija na učenje Kur’ana.

Savjet: Dragi brate i sestro, ako si od onih kojima je Šejtan I.a. ovu zabludu i grijeh učinio lijepim, budite jaki i okanite se ovog grijeha kako Šejtan preko njega ne bi napadao vaša srca i vaše duše!

### Fuad Abdullah Seferagić

*„Allahov poslanik sallallahu alejhi ve sellem, je tražio utočište kod Allaha od džina  
I pogleda insana (uroka) na razne načine, sve dok nisu objavljene sure Feleki  
Nas. Kada su one objavljene učio je njih, ostavivši sve drugo.“*

*(Tirmizi – hasen)*



### *Nema trenutka na zemlji bez ezana*

Pogledajte kartu svijeta. Na istočnoj strani ugledat ćete Indoneziju. Najveća mjesta u Indoneziji su Java, Sumatra, Borneo i Saibil. Čim nastupi zora na istočnoj strani Saibila, oko 5:30 po lokalnom vremenu, začuje se sabahski ezan. Hiljade mujezina uče ezane. Kako minute odmiču, sabahski zov se širi sve zapadnije. Pola sata nakon što ezan prouči u Saibli, on započinje u Džakarti, potom Sumatri. I prije nego se sabahski ezan završi u Indoneziji, oni započinju u Maleziji, a potom u Burmi.

Sat vremena poslije ezana u Džakarti, sabahski ezan začuje se u Daki, glavnom gradu Bangladeša. Dok se ezani završavaju u Bangladešu, započinju u zapadnoj Indiji. Od Kalkute preko Sringara do Bombaja, kroz cijelu Indiju odjekuje sabahski poziv. I dok još ezani ore Indijom, pakistanski mujezini počinju pozivati ljude na sabah. Za četrdeset minuta sabahski ezan proputuje Pakistan, i ne dođe do kraja, a već je započeo u Afganistanu i Muskatu.

Vremenska razlika između Muskata i Bagdada je jedan sat. Za to vrijeme ezan se prenese Hidžazom, gdje su Meka i Medina, Jemenom, Emiratima, Kuvajtom i Irakom. Vremenska razlika između Bagdada i Aleksandrije u Egiptu je opet jedan sat. Za taj sat ezan zauči u Siriji, Egiptu, Somaliji i Sudanu. S kraja na kraj Turske eho ezana odjekuje sat i po. Vremenska razlika između Aleksandrije i Tripolija je jedan sat, i učenje ezana se nastavlja kroz cijelu Afriku.

Sabahski ezan koji je započeo u Indoneziji stigne do obala Atlantika nakon devet i po sati. I prije nego on dosegne obale Atlanskog okeana, na istoku Indonezije već je otpočeo ezan za podne-namaz. I dok podnevski ezan započinje u Bangladešu, u Saibilu se mujezini spremaju za oglašavanje ikindije, a potom i akšama i jacije. Dok mujezini širom Indonezije uče sabahski ezan, mujezini u Africi uče ezan za jaciju.

Ovaj fenomen nas navodi do zavidujućeg otkrića: Ne prođe ni jedan jedini trenutak na Zemaljskoj kugli, a da u njemu stotine hiljada mujezina širom svijeta ne uče ezane. I upravo sada, dok čitate ove redove, možete biti sigurni da hiljade ljudi, baš u ovom trenu, uče i slušaju ezane.

## Za naše najmlađe

---

### *Prvi čovjek*

*U početku nije postojalo ništa. Potom je Allah, dž.š., rekao: „Budi!“ i svijet je postao. Svijet je poput velikog mehanizma. Stalno se kreće i nikad ne staje. Funkcionira glatko i bez problema. Allah, dž.š., stvorio je meleke koji imaju veliku snagu. Njihova je zadaća da vode računa da sve Allahove, dž.š., zapovijesti budu ispunjene u svakom kutku svijeta. Oni prenose vjetrovima kako trebaju puhati, oblacima kuda će ići, kiši gdje će padati. Oni bilježe sve što se događa na svijetu.*

*Nakon što se sve odvijalo kako treba, Allah, dž.š., stvorio je ljudska bića. Kada ih je stvorio od zemlje, udahnuo im je dušu i dao imena Adem, a.s., i Hava, r.a. Obdario ih je mnogim darovima zato što ih je volio. Dao im je oči kako bi mogli vidjeti divnu zemlju, uši kako bi mogli čuti pjev ptica i glas kako bi mogli razgovarati jedno s drugim. I dao im je razum kako bi mogli razlikovati dobro od lošeg. Allah, dž.š., odredio im je da žive u vrtu koji je bio ljepši od svih drugih, po imenu Džennetski vrt.*

*Najljepše priče iz Kur'ana*



## Veći genocid je zaboraviti

Spakovala mu komad kukuruznog hljeba, malo šećera i soli i jednu presvlaku. Idi, sine, velim, valjda ćemo se sresti u Tuzli. Plačem ja, gledam za njim kako zamiče ispod kuće. Sutradan ja u Potočarima, hiljade naroda, kad odjednom pojavi se moj Azmir. Sine, otkud tebe, pitam, a on se zaleti, zagrlji me, izljubi, kaže, nisam te mati bio poljubio pa sam se zato vratio. Još mi na obrazu stoji onaj njegov dah. Bi malo sa mnom i ode prema šumi, da se pridruži koloni, prisjeća se Nura. Godinama se Nura nadala da će se pojaviti odnekud. Onda su joj javili da su identificirali njegove posmrtno ostatke. Godinama kasnije, pred ponoć, dok se spremala za počinak, čut će kako spiker spominje Hag i da će majka prepoznati sina, a sestra brata. –Okrenem se, na ekranu vidim kako četnici strijeljaju grupu muškaraca i među njima moj Azmir. Gledam ne vjerujem svojim očima, srce mi stalo, ukočile se vilice. Jeste moj Azmir, njemu pucaju u leđa. Pade moje dijete. Bos. Ni sedamnaest godina nije imao!

***Brate i sestro! Zapamti tužnu priču Džemile Delalić iz sela Dobrak, kod Srebrenice:***

“Sjedim ja među onim narodom u Potočarima, kad vidim, mlada ženica, stisla se, znoj joj teče, grč na licu. Priđem, pitam šta joj je! Kaže: “Rađam!” “De sine“, velim ja njoj, “ufati se jednom rukom za mene , a drugom za svoju svekrvu“... Tako i bi. Poduprijeh se žena na nas, muško dijete zaplaka. Zgrabi ja dijete, hoću da mu zavežem pupak, kad četnik predame: “Spusti to dijete dole!”. Veli. Ja ga popusti na dimije, fino dijete, duge kosice, kao da je okupano... četnik priđe, nogom stade djetetu na vrat ...Crijeva izletiše...”

**Nezim Halilović Muderris**





## Povratak Allahu dž.š.

### Nije bilo dana i noći a da nisam bio u grijehu

Svaka hvala i zahvala pripada Allahu Uzvišenom, Gospodaru svih svjetova.

Eh, kolika je samo blagodat naša divna vjera islam. Bez upute čovjek je zaista na gubitku. Znam, jer sam i ja prije nekoliko godina lutao tminama prolaznog dunjaluka. Dunjaluka i njegovih lažnih čari, boja i mirisa... Subhanallah, neznam je li bilo dana i noći, a da nisam bio u grijehu. Od islama sam imao samo ime i bajram-namaz, ponekad koji dan posta. Čak ni na džumu nisam išao. Provodio sam vrijeme u kafani i kladionici, bio sam u vezi sa djevojkom tri godine, napustio sam fakultet... Molim Allaha da mi oprost!

Međutim, nakon određenog vremena jedan prijatelj iz mog društva, a danas brat kojeg volim u ime Allaha, s.v.t., povukao se i počeo prakticirati vjeru. Nikada neću zaboraviti njegovu SMS poruku u kojoj mi je naveo da je počeo prakticirati vjeru, da je okrenuo novu stranicu u svom životu. Naravno, moj odgovor bio je u stilu: ako ideš u džamiju, to ne znači da se trebamo prestati družiti. On je pristao da se i dalje viđamo. Brat je pričao o ljepoti namaza, braka i islama uopće.

Na početku mi je smetalo i osporavao sam taj način života. „Mlad si, provedi se, bit će vremena“, subhanallah, koliko je samo uobičajen ovaj način razmišljanja kod omladine, ali i starijih. Kako su dani i sedmice prolazili, ja sam sve više uživao u njegovim pričama. I sve što bih naučio, prenijeo bih (tada) svojoj djevojci, koja se također uveliko počela zanimati za vjeru. Postao sam ljubomoran u smislu kako je on tako sretan sa svojim životom, a ja nisam?! Imam sve a nemam ništa!

Da'va se nastavila, a onda je uslijedila još jedna poruka: „Brate, ako hoćeš da popijemo kahvu, hajde dođi na jaciju pa će mo ići.“ Allahu ekber! Moj prvi farz-namaz u džematu. Taj osjećaj, ta smirenost, ta ljepota. Izašao sam nakon namaza sa osmijehom na licu, saburom, neopisivo. Sve se to ponovilo dan poslije, i dan poslije, i tako redom. Počeo sam odlaziti i na neke druge namaze, gledati video klipove, čitati knjige o vjeri.

Djevojku sam ostavio u ime Allaha, s.v.t. Zatvorio sam vrata alkoholu, kocki, zinaluku, elhamdulillah. Znao sam ispuniti listić (za kladionicu) ujutro, i po čitav dan boriti se da li uplatiti ili ne. Milostivi me pomogao, pa bi listić na kraju dana poderao, bacio. U tom vremenu naišao sam na veliko nerazumijevanje roditelja i rodbine, kao i mnoge prozivke i uvrede, ali neću o tome pisati, jer bi mi trebale stranice i stranice.

A sad dio, kako kažu, slijedi dio iz „bajke“. Znamo i sami da poslije svakog iskušenja dolazi olakšanje. Koliko smo se samo puta u to uvjerali. I zaista je tako. Danas sam nakon nepune četiri godine kako sam se vratio vjeri, završna godina na fakultetu. Bivša djevojka (koju sam spominjao u tekstu) nedugo poslije raskida se pokrila, a danas je moja žena, i elhamdulillah uživamo u našem braku. A samo to njeno pokrivanje i njen povratak vjeri je priča za sebe.

Također danas moja majka klanja namaz i zajedno sa mojim babukom pruža mi podršku u životu kao nikada do sada. Rodbina, prijatelji, komšije, sve se sada nekako posložilo. Naravno, uvijek će biti drugih iskušenja, to je neminovno, ali uistinu imamo način i uputu kako da ustrajemo i uspijemo. Kaže Allah, s.v.t.: „O vjernici, tražite sebi pomoći u strpljivosti i obavljanju molitve! Allah je doista na strani strpljivih.“ (El-Bekare, 153.)

Molim, Allaha, s.v.t., da se okoristimo, da istrajemo na putu istine i da nas na Sudnjem danu uvede u Svoj hlad kada drugog hlada neće biti.

Brat M.

## Znate li koja je namirnica po svom sastavu najbliža majčinom mlijeku?



Iznenadit će te se kada čujete da se radi o ekstra djevičanskom maslinovom ulju!

Maslinovo ulje sadrži nezasićene i polunezasićene masne kiseline omega-3 i omega-6 u sličnim količinama, kao i masnoće u majčinom mlijeku. Majčino mlijeko i maslinovo ulje sadrže identičan procenat linoleinske kiseline, što ih čini nezamjenjivom hranom za obnovu i izgradnju nervnog sistema i mozga. Majčino mlijeko i maslinovo ulje lahko se probavljaju i pomažu rad želuca i crijeva, sprečavajući tako nastanak zatvora stolice i stomačnih grčeva. Maslinovo ulje pomaže apsorpciju vitamina D, veoma važnog za razvoj beba i djece zbog regulacije nivoa kalcija i fosfora u organizmu, pomaže

unos minerala neophodnih za formiranje i jačanje kostiju. Na ovaj način, maslinovo ulje pruža djeci zaštitu od lomova kostiju u prvim godinama života i smanjuje rizik od pojave osteoporoze u kasnijem dobu.

Nedavne naučne studije otkrile su da sve veći broj djece ima problema s masnoćama u krvi, što doprinosi pojavi gojaznosti koja na Zapadu pogađa jedno od troje djece uzrasta između šest i devet godina. Budući da maslinovo ulje snižava nivo ukupnog holesterola u krvi, LDL-holesterola i triglicerida, pedijatri su počeli preporučivati maslinovo ulje kao zamjenu za masnoće životinjskog porijekla, kako bi se smanjio procenat gojaznosti.

Studije su utvrdile da maslinovo ulje pomaže trudnicama i majkama. Njegova konzumacija smanjuje rizik od nastanka astme kod žena. Također, djeca čije su majke koristile maslinovo ulje imaju jači imuni sistem, smanjen rizik od rinitisa i raznih vrsta alergija. Zanimljivo je spomenuti da pedijatri iz mediteranskih zemalja (Italije, Španije, Grčke) već godinama preporučuju korištenje ekstra-djevičanskog maslinovog ulja kao hrane za bebe i dojilje. U Italiji, naprimjer, ljekari preporučuju korištenje maslinovog ulja u čvrstoj hrani za bebe koje se odbijaju od majčinog mlijeka. Preporučuju da se maslinovo ulje dodaje u bebinu flašicu s mlijekom kako bi se postigla dodatna zdravstvena korist, posebno za djecu koja pate od grčeva. Maslinovo ulje podstiče prirodne procese varenja i sadrži oleuropein, prirodnu supstancu s antiupalnim dejstvom koji ima slično djelovanje kao sintetički lijek.

# HÍLAL

Čurokotovo

ulje za zdravu i sjajnu bradu



100%  
prirodna  
ulja



100%  
prirodna  
ulja

Tel: 0173/3811604



Kopien | Drucken | Flyer | Visitenkarten  
Plakate & Poster | CAD-Plots | Textildruck  
Bachelorarbeiten

Am Marktplatz | Schloßstr. 20-22 | 63065 Offenbach a.M.  
Tel.: 069/ 478 618 23 | [info@printhaus-offenbach.de](mailto:info@printhaus-offenbach.de)  
[www.printhaus-offenbach.de](http://www.printhaus-offenbach.de)

مَيْلَعِبْ كَلِّلَا نَأْفِئِشْ نَمِ أَوْفُنْتْ أَمَوَ نَوْبِحْتْ أَمَمِ أَوْفُنْتْ يْتَحْ رَبُّلَا أَوْلَانْتْ نَلْ  
„Nećete zaslužiti nagradu sve dok ne udijelite dio od onoga što vam je najdraže;  
a bilo šta vi udijelili Allah će sigurno za to znati.“ (Alu Imran, 92)

## POZIV NA DONATORSKU AKCIJU

### Kupovina džematskih prostorija



#### KATEGORIJE DONATORA

##### BRONZANI DONATOR

500 €

##### SREBRNI DONATOR

1000 €

##### ZLATNI DONATOR

2500 €

##### DIJAMANTNI DONATOR

10000 €

Donatorski broj računa  
(Spendenkonto)  
Sparkasse  
Bürgerforum Firdeus e.V.  
IBAN: Offenbach am Main  
DE42505500200004130723  
svrha uplate je Vakuf.  
Naša adresa:  
Džemat Firdeus Offenbach  
Wald Strasse 167  
63071 Offenbach am Main.



[www.facebook.com/dzemat.firdeusoffenbach](http://www.facebook.com/dzemat.firdeusoffenbach)

<http://www.firdeus.de/dzemat-offenbach>